



四庫全書

薈要

【集部】

吉林人民出版社

乾隆
御覽本

四庫全書薈要

集部
第十四冊

欽定四庫全書

集部
劔南詩集卷二十八

劔南詩集卷二十八

宋 陸游 撰

感懷

老病與世絕屏迹三家村我居一何陋舉手屋可捫客
至不能迎堅坐度朝昏一窓修竹下超然傲羲軒物外
自變遷內景常默存黃流不注海浩浩朝崑崙妙道本
自得至言初不煩功成出緒餘猶足康黎元

欽定四庫全書

劔南詩集
卷二十八

又

卜居鏡湖上一菴環翠屏竹林藏谿筍嶺路蟠青冥
騰立奇石嶄絕瞻危亭車馬雖掃迹猿鳥與忘形我行
半九州踴盡芒鞋青豈知雪滿鬢於茲故雲扃丹砂收
箭鏃茯苓剗人形遶天渺歸鶴一瞬三千齡

又

平生喜栽花賴以娛寂莫小園財一畝繁榮萬附萼典
衣買紫桂輟食致紅藥阡眠香草茂掩萼烟柳弱踏雨

詳校官助教臣謝登雋

探花開障風畏花落雖慙童心在終勝塵事縛今日疾
稍間天氣亦清廓啼鳥寒不歸可以侑吾酌

又

殘年迫衰謝嬰疾歸鄉粉諸賢渡江初總角幸有聞才
非楚倚相亦能讀典墳夫豈或使之後死與斯文世儒
鑿戶牖道術將瓜分孤陋守一說百氏殆可焚後來豈
無人異聖誰揮斤巍巍貞觀治房魏出河汾

出遊

欽定四庫全書

初南詩集
卷二十八

二

采藥今朝偶出遊溪邊小立喚漁舟未須著句悲搖落
嫩日和風不似秋

又

朝行躡屩穿幽谷莫返褰裳涉亂流提起短筇成一笑
每煩上座為分憂

讀杜詩偶成

一念寧容事物侵天魔元自是知音拾遺大欠修行力
小吏相輕尚動心

秋夜即事

烏宿牛歸戶欲扃燈前老子影伶俜濕雲不散初聞雁
深竹微明尚有螢一卷舊書開盡簡半升濁酒倒餘瓶
乘閒欲擬歸來作小草斜行滿曲屏

物有可歎者因戲作數語以識之

雞棲及我未掩扉犬雖遠出莫自歸司晨警夜職交舉
簸糠棄粒報亦微查查雙鵲更覩汝庭樹夜宿常相依
豈憐主人老寂莫暝熱蓬戶不忍違養鷄甚恩健即去

欽定四庫全書

初南詩集
卷二十八

三

養鷹雖久飽亦飛嗟哉物性厚薄異使我隱几空歔歔
老懷

身見高皇再造初名場流輩略無餘舊書科斗纔存字
薄業蝸牛僅有廬迂士豈堪新貴使少年自與老人疎
荒園寂寂堆霜葉抱瓮何妨日灌蔬

對酒

古今共有死長短無百年方其欲暝時如困得熟眠世
以生時心安度死者情故其不忍去一笑可絕纓區區

計生死不如持一觴一觴流不平萬事俱可忘待酒忘
萬事猶是役於酒醉醒不到處妖魔自奔走

東村散步有懷張漢川

扶杖東村路秋來始此回寒鴉盤陣起野菊臥枝開憂
國丹心折懷人雪鬢催房湖八千里那得尺書來

晚寒自東村步歸

夕陽下平野落葉滿荒街村店費題題人家燒豆熟溪
風透布褐草露濕芒屨骨相元如此何由與世諧

欽定四庫全書

勉齋詩集
卷二十八

四

排悶

丈夫結髮志功名大事直當以死爭我昔駐車籌筆驛
孔明千載尚如生

又

曾攜一劍遠從戎秦趙關河顧盼中老去功名無復夢
凌烟分付黑頭公

又

四十從軍渭水邊功名無命氣猶全白頭爛醉東吳市

自拔長刀割羸肩

又

西塞山前吹笛聲曲終已過洛陽城君能洗盡世間念
何處樓臺無月明

又

萬里風中寄斷蓬古來虛死幾英雄拔山力與回天勢
不滿先生一笑中

又

欽定四庫全書

勉齋詩集
卷二十八

五

風霜九月冷颼颼湖海飄然一布裘親見定義初畫卦
轉頭三十萬春秋

初寒病中有感

楚水楓林霜露新白頭一隻正吟呻牛衣未起王章疾
馬磨何傷許靖貧治道本來存簡冊神州誰與靜烟塵
新亭對泣猶稀見況免夷吾一輩人

放歌行

君不見汾陽富貴近古無二十四考書中書又不見慈

明起自布衣中九十五日至三公人生窮達各有命拂
衣徑去猶差勝介推焚死終不悔梁鴻寄食吾何病安
用隨蝶東復西獻諛耐辱希階梯初無公論判涇渭徒
使新貴矜雲泥稽山一老貧無食衣破履穿面黧黑誰
知快意舉世無南山之南北山北

山頭石

秋風萬木實春雨百草生造物初何心時至自枯榮惟
有山頭石歲月浩莫測不知四時運常帶太古色老翁
一生居此山脚力欲盡猶躋攀時時撫石三歎息安得
此身如爾頑

有客

有客隱華山學道忘歲月靈苗生絕壁光景中夜發劇
根食之盡條爾換金骨通藉虎豹閣日預通明謁綠章
奏封事誤字坐責罰後身幸不忘去日苦飄忽白首三
入朝未省及黔突方逃申公鉗已取卞和刖福微不盈
皆罪眾樂擢髮上天豈憐之寸步使屢蹶拔其利欲根

欽定四庫全書

劔南詩集
卷二十八

六

還之山水窟洗心謝宿愆世事等胡粵

幽居

窮老苦畏事雅意在邱壑結鄰鏡湖上辛歲安寂莫有
門常嬾開壁間挂雙屨猶恨未遠人靜夜聞城角

又

來客無僅奴剥啄自叩戶主人亦蕭然茗飲不能具清
言正絕倒日莫亟散去更欲盡所懷衣薄畏霜露

又

山園手栽花日夜數花時花開亦已落一歡自無期勸
君強自娛勿作兒女悲春風染柳條不染君鬢絲

又

種菜三四畦畜豚七八箇未言給賓祭且復課慵惰霜
清黃犢健土潤小雨過冬耕不可失努力勿安臥

又

放翁家山陰其貧益一國骨相異虎頭祠祿真難肋有
米薪未具坐待至曉黑躬耕豈所難一飽非爾力

欽定四庫全書

劔南詩集
卷二十八

七

野興

身似孤鴻鐵羽翰悲鳴飲啄住江干酒闌客思多新感
病氣衰頽失故丹倦枕忽聞中夜雨疎砧又報一年寒
幽窓晤語無來客空倚詩情強自寬

又

老去癡頑百不能非醒非醉日騰騰敲門惟有徵租吏
好事元無送米僧舊俗不還誰復念古書雖在漸難憑
平生意氣今如此惆悵西窓半夜燈

又

殘水涓涓入野塘菊花猶放數枝黃悶思野步便晴日
病怯冬溫喜薄霜湯餅鬻成新免美膾壺持罷綠橙香
人間富貴知何得商略山林却味長

又

水作縠紋微起伏天如卵色半陰晴偶來竹下搢頤坐
却向藤陰曳杖行西埭人喧荻船過東村燈上緯車鳴
幽居應接真無暇莫訝經年嬾入城

欽定四庫全書

初南詩集
卷二十八

八

買油

習氣年來掃未平夢回猶喜讀書聲冬裘不贖渾閒事
且為吾兒續短檠

繫舟

繫舟江浦待潮平歎息無人共月明歷盡世間多少事
飄然依舊老書生

又

地曠月明鋪素練霜寒河淺拂輕綃手扶萬里天壇杖

欽定四庫全書

初南詩集
卷二十八

九

夜過前村尚會橋

初冬至近村

南國霜常晚初冬禁始紅曠懷牛屋下美睡雨聲中沮
水憶浮馬西郵軍行漢過嶠山思射熊何由效唐將八

十下遼東

古築城曲

築城聲酸嘶漢月傍城低白骨若不掩高與長城齊

又

長城高際天三十萬人守一日詔書來扶蘇先授首

又

百丈築城身千步掘城壕咸陽三月火始悔此徒勞

又

嶧山訪秦碑斷裂無完筆惟有築城詞哀怨如當日

山園

山泉引派漲清池野蔓移根終短籬慈果極知非老事

接花聊復效兒嬉提壺言語開顏聽斷木衣襦緩步窺

欽定四庫全書

初南軒集
卷二十八

莫笑題詩選滿紙小園幽事要君知

將軍行

將軍入奏平燕策持笏榻前親指畫天山熱海在目中

下殿即日名烜赫馳出都門雪初霽直過黃河水未圻

繡旗方掠桑乾渡羽檄已入金臺陌勇士如鷹健欲飛

虜王似免何勞搦戎服押俘獻廟社正衙第賞頒詔冊

端門賜醕天下慶御觴尚恨滄溟遠從來文吏喜相輕

聊遣濡毫書竹帛

古別離

孤城窮巷秋寂寂美人停梭夜歎息空園露濕荆棘枝

荒蹊月照狐狸迹憶君去時兒在腹走如黃犢爺未識

紫姑吉語元無據况憑瓦兆占歸日嫁來不省出門前

魂夢何因識酒泉粉絲磨鏡不忍照女子盛時無十年

寄子虞

吾兒適淮壖送之梅市橋三年安得遇思汝雙鬢凋今

年當代歸秋色已蕭蕭迎汝不憚遠夢近錢塘潮人事

欽定四庫全書

初南軒集
卷二十八

十一

不可料邑氏挽歸稅郡牧部使者文章聞之朝增秩復

使留此事久寂寥念汝未育子大女方垂髫小女聞學

行想像扶床嬌汝少知讀易外物莫能搖但願早舉孫

不必七葉貂歸來即罷前相從樂簞瓢

泛舟自中堰入湖

水縮沙洲出霜清木葉丹鷺群橫澹靄鵝陣報初寒冷

落人情見衰遲世念閑惟留一句子村舍話團樂

夜歸舟中作

意薄楊修喚小兒孤舟自笑髮成絲放開癡腹無非夢
拈起幽懷總是詩霜下忽驚桐葉盡灘生更覺水聲奇
餘年那恨驅黃犢除却為農百不宜

蓬萊閣聞大風

天風搖蕩萬松聲卷海頽山得我驚觸瀨湍堆秋起柂
塵卓閣下夜還營荷戈老氣縱橫在看劔新詩欬唾成
興盡却尋湖上路醉看月墮斗杓傾

小出塞曲

欽定四庫全書
知南詩集
卷二十八
十三
全師出雁塞百戰運龍輜金絡洮州馬珠裝夏國刀度
沙風破肉攻墨雪平壕明日受降處甲齊熊耳高

冬日園中作

園荒闕掃除籬敗且杖梧久旱池萍死親霜野蔓枯寒
爐殊未議濁酒却時酤飛動郊原興飢鷹待拈呼

登山亭

新得天台古澗藤強扶衰疾踞峻嶒登高臨遠雖多感
數老嗟卑卑却未曾紙上是非難盡信人間禍福有相乘

早知等是枯魚肆乞水何須望斗升

拄杖歌

道人四壁空無有一炷清香閒袖手床邊獨有拄杖子
疾病相扶真我友禪房按膝秋聽雨野店敲門莫賒酒
異途九折歷欲盡世上誰如君耐久老矣更踏千山雲
何可一日無此君歸來燈前夜欲半露柱說法君應聞

冬晴

吳中霜雪晚初冬正佳時丹楓未辭林黃菊猶殘枝鳴
鴈過長空纖鱗泳清池氣和未重裘臨水照鬚眉悠然
據石坐亦復出門嬉野老荷鋤至一笑成幽期

冬夕

犬吠驚飄葉禽喧換宿枝墮空霜肅肅垂地斗離離野
叟讀書罷高城吹角悲功名渾錯料老病却如期

又

不寐起中夕披衣增慨慷千金空市骨三沐竟剗腸世
事祿能識吾生安用長布裘非屋底死去亦芬芳

十月十五夜對月

離海月盈丈寒光萬里明衆星欲盡一鏡獨徐行重
露滴松鬢高風吹鶴聲老來殊畏冷不盡倚闌情

久疾

久疾無時已殘年莫更論流離魂未返窮困舌空存
畧闌心事祠官倚主恩但愁垂老眼不見定中原

又

殘年仍臥疾窓戶夜惜惜一日且復過久生非所欽暗

欽定四庫全書

白南詩集
卷二十八

十四

塵侵藥笥微月伴衣砧萬里懷良友前盟可得尋

又

幽屏元無事沉隱自鮮歡脰長猶可截冠挂豈容彈擣
藥香塵細尋書案昨殘晚來差覺健風月小庭寬

舍北望牛頭山山有延勝寺先太傅書室在焉六

年前嘗泛小舟往遊寺焚於睦寇書堂無復存矣

太傅讀書處秋風曾問途江如青弋險山似白鹽孤

山形

絕類夔府之白路盡還登嶺林開忽見湖草堂無復識
鹽但差早小耳

流涕想規模

十月十九日大風作寒閉戶竟日

霜風捲地起落葉擁蝸廬終日淡無事一窓寬有餘坐
多知力耗食少覺心虛懶情無新句松聲忽起予

寄天封明老

浪迹天台一夢中距今四十五秋風勝遊回首似昨日
衰病侵人成老翁聖寺參差石橋外仙蓮縹緲玉霄東
因君又動青鞵興自斷千峯翠倚空

欽定四庫全書

白南詩集
卷二十八

十五

村居

衰病汗朝著恩寬得免歸簾能心自信不恨世相違草
市寒沽酒江城夜擣衣是中堪送老高枕謝招麾

又

自笑觸藩羝人嘲失旦雞囊慳衣任短山冷屋便低官
拙讒銷骨言狂悔噬臍自今焚筆研有手但扶犁

十月下旬暄甚戲作小詩

老怯霜風盡日眠素屏紙帳擁蠻氈為君小試回春手

便似暄妍二月天

霜天雜興

楓葉全丹擲禁黃江城殘角伴斜陽琴書自足閒中樂
天地能容醉後狂老死山林初不憾夢遊河渭獨難忘
穀城黃石今安在取履猶思劾子房

又

萬鼓風聲吼屋邊老人裘袴旋裝縣晨梳墮髮知衰甚
夜枕聞雞尚慨然身後文章空飽蠹眼前交信半沉泉

欽定四庫全書

初南詩集
卷二十八

十六

飯蔬飲水平生慣恥向天公更乞憐

又

少學愚公一味愚莫年仍似病相如閒吟寄友惟生紙
草具留僧只野蔬雨澁溪流殊未足霜高木葉已無餘
潭州丞相憐衰疾細字時收尺素書

連日風雨寒甚夜忽大風明旦遂晴

萬里浮雲一掃空碧天無際日曛曛歡聲四起春風裏
恰似祥符景德中

懷昔

昔者戍梁益寢飯鞍馬間一日歲欲莫揚鞭臨散關增
冰塞渭水飛雪暗岐山悵望釣璜公英概如可還提劍
刺乳虎血濺貂裘殷至今傳軍中尚號壯士顏豈知墮
老境槁木蒙霜管澤國氣候晚仲冬雪猶慳曩事空夢
想擁褐自笑屨彗星未實地大弓何時彎

寄題王俊卿看山堂

廣文風度絕清真一代論交不數人車馬到門常謝病

欽定四庫全書

初南詩集
卷二十八

十七

北山雖遠却相親

又

閉戶終年懶出遊北山山色可消愁何時一掃烟塵盡
更約同吟大華秋

絕歎

老屋環青嶂衰翁臥白頭殘書且遮眼薄酒不澆愁世
故真難料吾生愈覺浮餘年更須惜幸得返山邱

風雨

風雨連三日衰翁不下堂弄書聊自適與世已相忘
屏
渠經霜飽搓橙帶露香地爐供小飲亦足慰淒涼

晚過鄰曲

陽狂跌宕送年華信步來尋野老家淺瀨水清逢立鷺
橫林禁盡數栖鴉書生一飽依耕耒壯士孤愁入戍笳
王績但思酣美酒葛洪不復問丹砂

莫仲謙挽辭

懷惡藏山澤逢時起薜蘿星辰占寶劔雷雨化龍梭禹

欽定四庫全書

蘇南詩集
卷二十八

十八

穴書雖富浯溪石未磨門閭更須築有子繼三科

病起

一病輒經旬幾病能不死誠知迫頽年暫健亦自喜半
窓風竹影晴景極清美讀書雖益懶尚可日百紙引鏡
整角巾病思真一洗悠然度朝晡萬事如覆水

晚興

一聲天邊斷雁哀數莖籬外早梅開幽人耐冷倚門久
送月墮湖歸去來

贈粉鼻畜貓

名也

連夕狸奴磔鼠頻怒聲吸血護殘困問渠何似朱門裏
日飽魚殮睡錦茵

與兕輩論李杜韓柳文章偶成

吏部儀曹體不同拾遺供奉各家風未言看到無同處
看得同時已有功

夢至小孟

夢覺空山淚漬衿西遊歲月苦駸駸茂萌古路緣雲壁

欽定四庫全書

蘇南詩集
卷二十八

十九

桔栢浮梁暗標林坐上新聲猶蜀伎道傍逆旅已秦音
荷戈意氣渾如昨日笑推顏負壯心

懷紹興間往還諸公

早歲從諸傑森然盡國華辭工出月脇筆健拔鯨牙道
在窮何憾年徂生有涯湖山元不改老淚濕風沙

磨衲道衣

久脫朝衣學道裝溪雲笠鶴作身章何時九轉丹砂熟
却挿金貂侍紫皇

溪上作

落日溪邊杖白頭，破裘不補冷飈飈。
慙慙惡酷信紙上語，老病猶先天下憂。
末俗陵遲稀獨立，斯文崩壞欲橫流。
紹興人物嗟誰在，空記當年接俊遊。

又

偃偃溪頭白髮翁，莫年心事一枝筇。
山街落日青橫野，鶉起平沙黑蔽空。
天下可憂非一事，書生無地効孤忠。
東山七月猶關念，未忍浮沉酒醖中。

欽定四庫全書

初南詩集
卷二十八

三

小憩

徐行散腰臂，小憩膏精神。
休養觀書眼，調娛宴坐身。
青檀我家舊，紅粟太倉陳。
溫飽無餘事，寒癘息自勻。

癸丑十一月下旬溫煥如春晦日忽大風作雪

今年一冬晴日多，草木萌甲風氣和。
百錢布被未議贖，老翁曝背兜行歌。
吾儕小人慮不遠，積雪苦寒來豈晚。
青天方行三尺鳥，不料黑雲高巖巖。
明朝雪惡凍復餓，兒啼頰皴翁喋臥。
九重魏魏那得知，閭門催班百官賀。

占城樓竹拄杖

參雲氣壓葛陂龍，跨海來扶笠澤翁。
八十尚思行脚在，與君處處現神通。

西城

市步羣囂散，關門夕照明。
河流倒橋影，雪野聚鳥聲。
繁杵聞深巷，寒烟下廢城。
匆匆船盡發，爭趁早潮平。

東城

墟落歛暮烟，林梢偃新月。
河橋燈漸闌，柳岸船猶發。
薄

欽定四庫全書

初南詩集
卷二十八

三

酒吹欲無行，立搔短髮誰知。
七十翁歲晚念裘褐

斯道

斯道有顯晦，所憂非賤貧。
乾坤均一氣，夷狄亦吾人。
朋黨消廷論，鉏耰洗戰塵。
清時更何事，處處是堯民。

病起山居日有幽事戲作

靈府超然物外輕，靜中談笑却三彭。
晴窓風竹參差影，霜樹山禽格磔聲。
客出異苗咨藥品，僧携奇篆乞書評。
幽居亦未全無事，更用人間有姓名。

又

鵝骨龜腸欲不禁扶衰初喜罷呻吟盆山水釋書窓映
藥竈香濃道院深筆健乍臨新發帖手生重理舊傳琴
閉門局促還堪恨雲海何時豁此心

蝸廬

蝸廬四壁空也過百年中封火朝供爨蘆綿夕禦風不
憎窮有崇自以放名翁但恨村醪薄衰顏只變紅

冬夜讀書有感

欽定四庫全書

劔南詩集
卷二十八

三

一指頭禪用不窮一刀七藥去凌空汗牛充棟成何事
堪笑迂儒錯用功

又

胸中十萬宿貔貅早轟黃旗志未酬莫笑蓬窗白頭客
時來談笑取幽州

十二月九日枕上作

臥聽百舌語簾櫳已是新春不是冬堪歎老來如許病
正令無病亦無悰

記夢

黃河衮衮抱潼關蒼翠中條接華山城郭丘墟人盡老
藥爐依舊白雲間

又

西巖老宿雪垂肩白石為糧四百年喜我未忘山下路
慇懃握手一欣然

又

三髻山童喜欲顛下山迎我拜溪邊松陰拂罷蒼苔石

欽定四庫全書

劔南詩集
卷二十八

三

接竹穿雲理舊泉

鏡湖女

湖中居人事舟楫家家以舟作生業女兒粧面花樣紅
小繖翻翻亂荷葉日暮歸來月色新菱歌綠綉泛烟津
到家更約西鄰女明月湖橋看賽神

劔南詩集卷二十八

劔南詩彙卷二十九

宋 陸游 撰

水村曲

山村今年晚禾旱
奏下民租蠲大半
水村雨足米狼戾
也放三分慰民意
看榜歸來迭歌舞
共喜清平好官府
老翁猶記軍興時
汝輩少年那得知

石洞餉酒

欽定四庫全書

劔南詩彙
卷二十九

一

忘憂自古無上策
欲飲家貧酒盃空
迨今朝喜鵲報遠餉
未圻赤泥先動色
魚長三尺催贈玉
巨蟹兩螯仍斫雪
勿言地僻少過從
清風明月俱吾客
驅除二豎走三彭
零落眼花生耳熱
陶然酣臥聽松聲
魏爾公卿足憂責

病退

病退身仍健
春回日漸長
神訶金鼎藥
龍出玉函方
羗睡三竿日
安禪半篆香
殘年已如許
幸復起膏肓

偶書

身放江湖遠
年推里巷尊
鄰翁分酒子
羽客借桐孫
決水消澗織
纖柳映門小
車非漢相時
亦到前村

讀史

南言尊菜似羊酪
北說荔枝如石榴
自古論人多類此
簡編千載判悠悠

飲石洞酒戲作

酣酣霞暈力通神
澹澹鵝雛色可人
一笑破除垂老日
滿懷搖蕩隔年春
梅花的吹初破
楊柳纖纖染未勻

欽定四庫全書

劔南詩彙
卷二十九

醉倒橋邊人不怪
西曹免設相君茵

霜寒

霜重晨簷滴
薪乾夜焙溫
老惟便布褐
病不出柴門
瓶裏梅花墮
窗間鵲語喧
聞人信無事
午睡到黃昏

賽神曲

擊鼓坎坎吹笙鳴
鳴綠袍槐簡立
老巫紅衫繡裙舞
小姑烏白燭明
纔不如鯉魚糝
美出神厨老巫前
致詞小姑抱酒壺
額神來享常雌
娛使我嘉穀收
連車牛羊莫

歸塞門間雞鶩一母生百雛歲歲賜粟年年蠲租蒲鞭
不施園土空虛束草作官但形模刻木為吏無文書淳
風復還義皇初繩亦不結況其餘神歸人散醉相扶夜
深歌舞官道隅

涼州行

涼州四面皆沙磧風吹沙平馬無迹東門供張接中使
萬里朱宣布襖勒勒中墨色如未乾君王心念兒郎寒
當街謝恩拜舞罷萬歲聲上黃雲端安西北庭皆郡縣
四夷朝貢無征戰舊時胡虜陷關中五丈原頭作邊面
望夫石

欽定四庫全書

御南詩集
卷二十九

三

送君遠戍交河北男兒自以身許國不能彎弓騎惡馬
欲隨君去何由得登山矯首西北雲形容雖變心猶存
月明夜夜照淚痕鐵石心腸輸與君

江村道中書觸目

短籬曲曲對開門修竹陰陰不見村別浦回潮魚滬密
孤舟春近雁沙溫路逢行客時交轡店賣新醅一舉樽

忽過亂山幽絕處恍如白帝到東屯

采蓮曲

采蓮吳妹巧笑倩小舟點破烟波面雙頭折得欲有贈
重重禁蓋羞人見女伴相邀拾翠羽歸棹如飛那可許
傾鬟障袖不磨人遙指石帆山下雨

元坐頓念遊歷山水戲作

萬里當時寄一官十年客枕不曾安鬼愁灘下扁舟晚
蛇退陂前古驛寒昔歎遠遊生雪鬢近緣多病學金丹

欽定四庫全書

御南詩集
卷二十九

四

功名非復衰翁事獨有江山興未闌

鬼愁灘在安康漢
江中蛇退陂在夔

施雨部之間皆畏
途也然山水特奇

五雜組

五雜組山雉羽往復遠江頭路不得已貴臣去

又

五雜組機上綺往復還冶遊子不得已富兒死

漁扉

湖上千峯翠作圍正應佳處著漁扉迂疎自計難謀食

老病誰令未拂衣萬里滄波鷗乍沒十年華表鶴重歸
一盂粟飯吾何恨自古高人有采薇

詠史

夜雨燈前感慨深為邦一士重千金風雲未展康時畧
天地能知許國心劒忽挂頭都將相帽曾壓耳隱山林
英雄自古常如此君看隆中梁甫吟

烏棲曲

楚王手自格猛獸七澤三江為苑囿城門夜開待獵歸

欽定四庫全書

御南詩集
卷二十九

五

萬炬照空如白晝樂聲前後震百里樹樹棲鳥盡驚起

宮中美人謂將旦髮澤口脂費千萬樂聲早莫斷時

莫怪棲鳥無穩枝

古別離

君北遊司并我南適熊湘邂逅淮陰市共飲官道旁
夫各有懷窮達詎可量臨別一取醉浩歌神激揚勲業
有際會風雲正蒼茫亂點劍峯血苦寒芒履霜死即萬
鬼鄰生當致虞唐丹雘不須盟我非兒女腸

書歎

夜深青燈耿窗扉老翁稚子窮相依齏鹽不給脫粟飯
布褐僅有懸鵝衣偶然得肉思共飽吾兒苦讓不忍違
兒飢讀書到難唱意雖甚壯氣力微可憐落筆漸健快
其奈瘦面無光輝布衣儒生例骨立紉袴布兒皆瓠肥
勿言學古徒自困吾曹捨此將安歸作詩自寬亦慰汝
吟罷撫几頻歔歔

十二月二十六夜聽雨

欽定四庫全書

御南詩集
卷二十九

六

新春尚七日小雨暗江城茅簷夜點滴已作春雨聲輕
黃上柳枝嫩綠抽菊明造物本何心誰主此發生頗疑
重雲外斗杓已東傾老至不可却一尊忘濁清

起晚

傍檐百舌語瑤瓏已覺新春在眼中欲起未成還小睡
忽看初日滿窗紅

陳少監餉澄清堂酒

酣暢年來豈易逢齏湯蜜汁亦時中玉醅忽逐春風至